



**REPUBLIKA E SHQIPËRISË
AUTORITETI I MBIKËQYRJES FINANCIARE
BORDI**

VENDIM

Nr. 98, datë 29.07.2020

**PËR
MIRATIMIN E NDRYSHIMEVE TË RREGULLORES NR. 37, DATË 28.05.2015 “PËR
PËRCAKTIMIN E KRITEREVE DHE KËRKESAVE PËR PËRZGJEDHJEN E
SHOQËRISË AUDITUESE PËR SHOQËRINË E SIGURIMIT”**

Në bazë dhe për zbatim të neneve 14, pika 2, të Ligjit nr. 9572, datë 03.07.2006 “Për Autoritetin e Mbikëqyrjes Financiare”, i ndryshuar dhe pikës 6 të nenit 123, të Ligjit nr. 52, datë 22.05.2014 “Për veprimtarinë e sigurimit dhe risigurimit”, Bordi i Autoritetit të Mbikëqyrjes Financiare,

V E N D O S I :

- 1. Miratimin e ndryshimeve të Rregullores nr. 37, datë 28.05.2015 “Për përcaktimin e kriterëve dhe kërkesave për përzgjedhjen e shoqërisë audituese për shoqërinë e sigurimit”, sipas materialit bashkëlidhur.**
- 2. Ngarkohet Departamenti i Mbikëqyrjes së Tregut të Sigurimeve, për njoftimet në zbatim të këtij vendimi.**

Ky vendim hyn në fuqi menjëherë.

ANËTAR

Deniz DERALLA

DREJTOR I PËRGJITHSHËM EKZEKUTIV

Ervin METE

Ndryshimet e Rregullores nr. 37, datë 28.05.2015 “Për përcaktimin e kriterëve dhe kërkesave për përzgjedhjen e shoqërisë audituese për shoqërinë e sigurimit”, e ndryshuar, bëhen sipas tekstit më poshtë:

Pika 1, e nenit 4, riformulohet si më poshtë:

“1. Shoqëria e auditimit e regjistruar në regjistrin publik, e shoqërisë së sigurimit, përveç kriterëve dhe kërkesave të përcaktuara në Ligjin nr. 52, datë 22.05.2014 “Për veprimtarinë e sigurimit dhe risigurimit” plotëson edhe kriteret e mëposhtme:....”

Mbas pikes 1/b të nenit 4, shtohen gerrat b/1 dhe b/2 si në vijim:

b/1. Shoqëria e auditimit duhet të ketë si pjesë të brendshme të strukturës së shoqërisë, burimet njerëzore me kompetencat e duhura profesionale për të kryer auditimin ligjor, ku ekipi i auditimit (pa përfshirë ortakun kryesor të auditimit dhe aktuarin) të ketë minimumi dy anëtarë me përvojë në mbikëqyrjen dhe kryerjen e angazhimeve të auditimeve ligjore;

b/2. I njëjti ekip auditimi, përfshirë edhe aktuarin e kontraktuar nga shoqëria e auditimit, të mos jetë i angazhuar në më shumë se tre auditime të shoqërive të sigurimit.”

Në pikën 1/c të nenit 4, shtohet togfjalëshi, si në vijim:

“...sipas përcaktimeve të nenit 127 të Ligjit nr. 52, datë 22.05.2014 “Për veprimtarinë e sigurimit dhe risigurimit.”

Pika 1/d e nenit 4, riformulohet, si në vijim:

“d. Të mos kenë konflikt interesi me shoqërinë që auditon, sipas përcaktimeve të ligjit 10091, datë 05.03.2009 “Për auditimin ligjor” dhe kërkesave përkatëse të Kodit të Etikës dhe ligjeve të fushës.”

Pika 1/e e nenit 4, riformulohet, si në vijim:

“e. Të ketë një aktuar vendas ose të huaj të certifikuar dhe të kontraktuar, i cili duhet të plotësojë kriteret e mëposhtme:

i. të ketë përvojë, të paktën, 5 (pesë) vjeçare në fushën e aktuaristikës;

ii. të mos jetë i angazhuar në të njëjtën kohë në kryerjen e shërbimeve aktuariale në një shoqëri tjetër sigurimi;

iii. të mos ketë qenë i punësuar dhe mos të ketë ofruar kryerjen e shërbimeve aktuariale, në 2 vitet e fundit në shoqërinë që auditohet;

iv. të mos ketë kryer shkelje të rënda të rregullave të profesionit të aktuarit dhe Kodit të Etikës.”

Në pikën 1/f të nenit 4, ndryshon referenca ligjore e Ligjit nr. 10091, datë 05.03.2009 “Për auditimin ligjor”, nga neni 24 në nenin 55.

Pika 2/b e nenit 4, riformulohet si në vijim:

“b. Të mos kenë konflikt interesi me shoqërinë që auditon, sipas përcaktimeve të Ligjit 10091, datë 05.03.2009 “Për auditimin ligjor, organizmin e profesionit të audituesit ligjor dhe të kontabilistit të miratuar”, i ndryshuar dhe kërkesave përkatëse të Kodit të Etikës dhe ligjeve të fushës.”

Pika 1/b e nenit 5, ndryshon si në vijim:

“b. Metodologjinë e auditimit të propozuar duke përfshirë theksin në fushat kryesore dhe qasja përkatëse e auditimit. Programin e auditimit të shoqërisë dhe ekspertë të jashtëm të angazhuar nga shoqëria e auditimit.”

Pika 1/c e nenit 5, ndryshon si në vijim:

“c. Letrën e angazhimit të shoqërisë audituese për aktivitetin e shoqërisë në Shqipëri, si dhe për aktivitetin e konsoliduar të shoqërisë, e cila përveç angazhimit për përmbushjen e kërkesave ligjore në fuqi, duhet të përfshijë edhe trajtimin e çështjeve që lidhen me parandalimin e pastrimit të parave dhe financimin e terrorizmit, për shoqëritë që janë subjekt i ligjit “Për parandalimin e pastrimit të parave dhe financimin e terrorizmit”. Letra e angazhimit të shoqërisë audituese duhet të parashikojë edhe: a) komunikimin e shoqërisë së auditimit me komitetin e auditimit b) letrën e drejtimit dhe c) letrën e përfaqësimit.”

Në pikën 1/e të nenit 5, shtohet paragrafi si në vijim:

“Të depozitohet gjithashtu një vetëdeklarim nga aktuari i kontraktuar, në lidhje me:

- i. ushtrimin e shërbimeve aktuariale gjatë 3 (tre) viteve të fundit dhe angazhimet për vitin në vijim;
- ii. përvojën e kërkuar në fushën e aktuaristikës si dhe zbatimin e rregullave të profesionit aktuarial dhe kodit të etikës.”

Pika 1/f dhe 1/g e nenit 5, riformulohen si në vijim:

“f. Vërtetim nga Bordi i Mbikëqyrjes Publike se shoqëria e auditimit dhe audituesi ligjor është i regjistruar për përmbushjen e kërkesës së parashikuar në nenin 4, pika 1, shkronja “f” të kësaj rregulloreje.

g. Deklaratë mbi plotësimin e kriterëve të përcaktuara në nenin 4, pika 1, shkronja “f” dhe pika 2, shkronja “b” të kësaj rregulloreje në pajtueshmëri me kërkesat përkatëse të Kodit të Etikës së audituesve ligjorë.”

Në nenin 7, shtohet pika 2 me këtë përmbajtjen si në vijim:

“Autoriteti ka të drejtë të refuzojë shoqërinë audituese, e cila gjatë kontrollit të cilësisë së punës të tyre në tre vitet e fundit, në rastet kur është kryer një kontroll i tillë, është vlerësuar nga Bordi i Mbikëqyrjes Publike, nën notën C.”